



**Äntwert vun der Madamm Justizministesch Sam TANSON zu der parlamentarescher Fro n°7812 vum
22. Mäerz 2023 vun den honorabelen Deputéierten Léon GLODEN, Laurent MOSAR a Gilles ROTH
iwwer d'elektronesch Foussfessel**

1. Wéi vill Persoune sëtzen zu Lëtzebuerg aktuell an Untersuchungshaft?

Aktuell (Stand 04.04.2023) sëtzen am Ganzen 287 Persounen an Untersuchungshaft, dovunner:

- 238 Untersuchungshäftlingen am Prisong um Uerschterhaff
- 35 männlech Untersuchungshäftlingen a 14 weiblech Untersuchungshäftlingen am Prisong zu Schraasseg

2. Wisou applizéieren d'Untersuchungsriichter den Artikel 107, leschten Alinea vum Code de procédure pénale an der Praxis net?

D'Analys vun der Opportunitéit eng elektronesch Foussfessel unzeuerdnen ënnerläit der exklusiver Kompetenz vun de Justizautoritéiten a kann opgrond vun der Gewaltentrennung net vun der Regierung kommentéiert ginn.

3. Ass d'Regierung gewëllt, déi entspriechend Gesetzer ze adaptéiere, fir den Untersuchungsriichter méi Moyen'en am Kader vun Alternativen zur Untersuchungshaft ze ginn?

- o **Wa jo, wéi a wéini?**

Niewt der elektronescher Foussfessel, verfügen d'Untersuchungsriichter schonn iwwert eng Panoplie vu Mesuren, déi si am Kader vun engem Contrôle judiciaire als Alternativ zur Untersuchungshaft unuerdne kënnen, dovunner zum Beispill e Kontaktverbuert zu all Persoun déi den Untersuchungsriichter designéiert, de Verbuert, de lëtzebuergeschen Territoire ze verloossen oder op verschidde Plazen ze goen, d'Obligatioun sech regelméisseg bei der Police presentéieren, oder en Traitement ze suivéieren.

Lëtzebuerg, den 25 Abrëll 2023.

D' Justizministesch

(s.) Sam Tanson